

Morning Dogri (NSD) National News Bulletin 19-12-2024

आकाशवाणी

- सरकार इक देश इक चुनांS कन्नै सरबंघत विधेयकें गी अज्ज संसद दी सांझी समिति कश भेजोग।
- गृह मंत्री अमित शाह होर अज्ज जम्मू-कश्मीर बारै इक उच्च स्तरी सुरक्षा बैठक दी प्रधानता करडन।
- भारत नै चीन कन्नै बन्ने आहले विवाद दे निरपक्ख ते दौनें धड़ें गी मंजूर हल उप्पर ज़ोर दित्ता ऐ।
- बहरीन दी जेल थमां रिहा होए दे तमिलनाडु दे 28 मच्छेरें दी स्वदेश वापसी होई गई ऐ।
- सेबी नै कीमतें पर लगाम लाने लेई 7 कृषि उत्पादें च डेरिवेटिव ट्रेडिंग उप्पर रोक गी जनवरी 2025 तगर लेई बधाई दित्ता ऐ।
- महिला क्रिकेट च भारत ते वेस्टइंडीज़ बश्कार टी20 श्रृंखला दा त्रीया ते खीरी मैच अज्ज संझां मुंबई च खेड्ढेआ जाह्ग।

<><><><><><>

Govt.

सरकार इक देश इक चुनां विधेयक दा मामला अज्ज संयुक्त संसदीय समिति गी सौंपग। इस समिति च लोकसभा दे 21 ते राज्यसभा दे 10 सांसद शामिल न। समिति च बीजेपी दे पोपी चौधरी, अनुराग सिंह ठाकुर, परषोत्तम भाई रूपाला, कांग्रेस नेता प्रियंका गांधी ते मनीष तिवारी, तृणमूल कांग्रेस दे कल्याण बेनर्जी ते राष्ट्रवादी कांग्रेस पार्टी शरद पवार गुट दी सुप्रिया सुले शामिल न।

<><><><><><>

Amit Shah

केन्द्रीय गृहमंत्री अमित शाह होर अज्ज नमीं दिल्ली च इक उच्च सतह दी बैठक दी अध्यक्षता करगन। बैठक च जम्मू कश्मीर सनें सुरक्षा सरबन्धी केई महत्वपूर्ण मुद्दे उपर सोच बचार कीता जाग। जम्मू कश्मीर दे उपराज्यपाल मनोज सिन्हा होर बी इस बैठक च शामिल होंगन। बैठक दा उद्देश्य जम्मू कश्मीर च रमानदारी ते स्थिरता जकीनी बनाने दिएं नीतिएं दी समीक्षा करना ऐ। एहदे च राष्ट्रीय सुरक्षा सलाहकार अजीत डोवाल, केन्द्रीय गृह सचिव गोविंद मोहन, खुफिया विभाग दे निदेशक तपन डेका, थलसेना प्रमुख उपेन्द्र द्विवेदी, केन्द्रीय थेआरबंद बलें दे महानिदेशक, जम्मू कश्मीर दे मुख सचिव ते पुलस महानिदेशक बी शामिल होंगन।

<><><><><><><><>

India China

भारत ते चीन दे विशेष प्रतिनिधियें बश्कार 23मीं बैठक च, भारत नै चीन कन्नै बन्ने आहले विवाद दे निरपक्ख ते दौनें धड़ें गी मंजूर हल उपर जोर दित्ता ऐ। एह बैठक कल चीन दी राजधानी बीजिंग च, राष्ट्रीय सुरक्षा सलाहकार अजित डोवाल ते चीन दे विदेश मंत्री वांग यी हुंदे बश्कार होई। विदेश मंत्रालय दे मताबक, दौनें पक्खें सामान्य सरबन्धें दी बहाली लेई बन्ने पर स्थिति गी शांतिपूर्ण बनाने पर जोर दित्ता। श्री डोवाल ते श्री वांग होरें मन्नेआ जे इलाकाई ते वैश्विक शांति ते खुशहाली लेई भारत ते चीन दे सरबन्धें दा खरा होना बड़ा जरूरी ऐ। श्री डोवाल होरें आखेआ जे भारत, चीन दे कन्नै सकारात्मक संवाद लेई तैयार ऐ तांजे विवाद दा नतीजाकुन हल कड्डेआ जाई सकै। श्री डोवाल होरें कैलाश मानसरोवर यात्रा फही शुरु करने, दरेयाएं सरबन्धी डेटा सांझा करने ते बन्ने आहले बपार दे मुद्दे पर व्यापक विचार बटांदरा कीता। इस बरे अक्तूबर च रूस च चीन दे राष्ट्रपति शी चिनफिंग ते प्रधानमंत्री नरेन्द्र मोदी हुंदी मलाटी च विशेष प्रतिनिधि स्तर दी गल्लबात परतियै शुरु करने दा फैसला लैता गेआ हा।

<><><><><><><><>

PM

प्रधानमंत्री नरेन्द्र मोदी होर कुवैत दे अमिर शेख मेशाल अल अहमद, अल जबर अल सबा हुंदे साददे उपर 21 ते 22 दिसम्बर गी कुवैत यात्रा पर जांगन।

एह कुसा भारतीय प्रधानमंत्री दी पिछले 43 बरें च पैहली कुवैत यात्रा होग। विदेश मंत्रालय नै दस्सेआ ऐ जे यात्रा दरान प्रधानमंत्री कुवैत नेतृत्व कन्नै चर्चा करगन। मोदी होर कुवैत च भारतीय समुदाय कन्नै बी मुलाकात करगन।

<><><><><><>

Behrain TN Fishermen

तमिलनाडु दे तिरुनेलवेली जिले दे 28 भारती मच्छेरें दी स्वदेश वापसी होई गई ऐ। इनें'गी सितंबर 2024 च बहरीन दे समुंदरी इलाके च गैर-कनूनी तौर पर दाखल होने दे आरोप च गिरफ्तार कीता गेआ हा। इनें मच्छेरें दी तौले रिहाई कूटनीतिक जतनें करी मुमकन होई सकी ऐ। अपील दे बाद, मच्छेरें दी 6एं महीनें दी सजा घटाइयै त्रै महीने करी दित्ती गई। बहरीन च स्थित भारत दे राजदूती दफतरै मच्छेरें दी रिहाई लेई कानूनी सलाहकार नियुक्त कीता हा ते सजा घट्ट करने दी गुजारिश कीती गई ही। मच्छेरें दे समुदाय नै विदेश मंत्रालय ते भारती रातदूती दफतर दे जतनें लेई विदेश मंत्री डॉ. सुब्रमण्यम जयशंकर होरें'गी धन्नवाद दित्ता ऐ।

<><><><><><>

Boat Tragedy

मुंबई दे गेटवे ऑफ इंडिया थमां एलिफेंटा गुफाएं तगर यात्रिएं गी लेइयै जा'रदी किशती जंदी संजा रायगठ जिले दे उरान कोल परतोई गई। प्रधानमंत्री नरेन्द्र मोदी होरें इस घटना उप्पर गैह्रा बसोस प्रगट कीता ते हादसे च जान मोआने आलें दे नेड़में गी 2—2 लक्ख रपे ते घायलें गी 50—50 ज्हार रपे दी सिद्दी सहायता देने दी घोषणा कीती ऐ। एह्दे इलावा महाराष्ट्र दे मुख्यमंत्री देवेन्द्र फडणवीस होरें गी मुख्यमंत्री राहत कोष थमां मृतकें दे परिजनें लेई 5—5 लक्ख रपे दी सिद्दी सहायता दी घोषणा कीती ऐ। भारतीय नौसेना मूजब इस किशती हादसे च कुल 13 लोकें दी मौत होई गई ऐ जिंदे च 3 नौसैनिक बी हे दी दुए यात्री इस दिदसे च गंभीर तौरा उप्पर घायल होई गे, जिंदा इलाज नौसेना दे अस्पताल च कीता जा'रदा ऐ। नौसेना तटरक्षक बले ते समुंद्री पुलस आस्सेआ बचाह् कम्म फौरी तौरा पर चला'रदा ऐ।

<><><><><><>

SEBI

भारती प्रतिभूति ते विनिमय बोर्ड – सेबी नै कीमतें पर लगाम लाने लेई कनक ते मूंगी सने 7 कृषि उत्पादें च डेरिवेटिव ट्रेडिंग उपपर रोक गी जनवरी 2025 तगर लेई बधाई दित्ता ऐ। एह पाबंदी गैर-बासमती चोलें, चने, कच्चे पाम ऑयल, सरें दे बीएंग ते उंदे डेरिवेटिव ते सोयाबीन ते ओहदे डेरिवेटिव पर बी लागू रौहडन। एहदा मकसद शेयर बजारै च बड़ी मती सट्टेबाजी ते अस्थिरता गी रोकना ऐ, कीजे एहदा खाने-पीने आहलियें चीजें दी कीमतें ते मेंहगाई पर महत्वपूर्ण प्रभाऽ पौंदा ऐ।

<><><><><><>

NIA

एनआईए नै थेआरें दी तस्करी दे मामले च चऊं राज्यें च केई ठकानें उपपर छापेमारी कीती ऐ। एह छापेमारी बिहार च 2, नगालैंड च 3 ते हरियाणा ते जम्मू कश्मीर च 1-1 थाहरे उपपर कीती गई। छापे दरान एनआईए नै 315 गोर दी रैफल, केई कारतूस, मोबाइल फोन, मेंमरी कार्ड, पैन ड्राइव जनेह डिजीटल उपकरण सनें केई प्रतिबंधत थेआर बरामद कीते। आपत्तीजनक दस्तावेजें दे अलावा इक कार ते 13 लक्ख 94 जहार बी जब्त कीती गई।

<><><><><><>

CBI

सीबीआई नै रिश्वत लैने दे मामले च 7 कर्मचारियें गी गिरफ्तार कीता ऐ। इदे च इक जायंट डवैलपमेंट कमीशनर, इक डिप्टी डवैलपमेंट कमीशनर ते असिस्टेंट डवैलपमेंट कमीशनर शामिल न। सीबीआई नै मुंबई च इक अरोनी दे सरकारी ते रिहायशी ठकाने सनें केई दुए ठकानें दी तलाशी लैती ते 27 जिमीं जायदाद सरबंधी दस्तावेज ते 3 मेंहगी गडिडयां बरामद कहतियां। सीबीआई नै होर दुए दोशियें थमां 1 करोड़ रपे शा मती दी नकदी ते केई आपत्तिजनक दस्तावेज बी बरामद कीते न।

<><><><><><>

Cricket

भारत ते वैस्टइंडीज बश्कार महिला टी-20 क्रिकेट श्रृंखला दा त्रीया ते खीरला मैच अज्ज नमीं मुंबई दे डी.वाई. पाटिल स्पोर्ट्स अकादमी च खेड्ढेआ जाग। मैच संजा 7 बजे शुरू होग। दवै टीमां श्रृंखला च 1-1 दी बरोबरी उप्पर न।

<><><><><><>

Sports Weightlifting

भार तुलकने सरबंधी एशियाई युवा ते जूनियर चैंपियनशिप अज्जै थमां कतर दी राजधानी दोहा च शुरू होआ करदी ऐ। एह्दे मुकाबले 40एं श्रेणिएं च होडन जिंदे च 20 जूनियर ते 20 गै युवा स्तर दिआं श्रेणियां न। एह्दे च जूनियर ते युवा स्तर पर 20-20 मुकाबले होडन। इस चैंपियनशिप च भारत दे 28 खड्ढारी हिस्सा लै करदे न। भारत दी मार्टिना देवी माईबाम एशियाई जूनियर चैंपियनशिप च बरोबर भार वर्ग च मुकाबला करडन।

<><><><><><>

Tennis

त्रीया विश्व टेनिस लीग टूर्नामेंट अज्ज थमां अबूधाबी च शुरू होआ'रदा ऐ। एह् टूर्नामेंट 22 दिसम्बर तगर चलोग। एह्दे च 4 टीमां हिस्सा लैंगन। हर इक टीम च 4 खड्ढारी होंगन, हर इक टीम इक7दुए दे खलाफ 1-1 मैच खेडोग।

<><><><><><>

IMD

भारतीय मौसम विभाग नै अगले 5-6 दिन उत्तरी भारत च सुक्की ठंडू दा प्रकोप जारी रौहने दी पेशगोई कीती ऐं मौसम विभाग मूजब हिमाचल प्रदेश, पूर्वी राजस्थान ते पंजाब च अगले 2-3 दिन होर मती सुक्की ठंड होग। एह्दे इलावा जम्मू कश्मीर, लद्दाख, हरियाणा ते पच्छिम राजस्थान च बी अगले दो दिनें तगर ठंडू दा प्रकोप जारी रौहग।

इनें इलाके च बडलै घना कोहरा बी पेई सकदा ऐ ते अगले दो दिनें च तापमान च होर मती गिरावट दिक्खी जाग। तोआई मौसम विभाग नै आंध्रप्रदेश दे समुंद्री इलाके च रायलसीमा च अज्ज भारी बरखा पौने दी पेशगोई कीती ऐ।

<><><><><><>